

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona ("Službene novine HNK", broj: 3/07 i 5/09) i člana 36. Zakona o izvršenju Budžeta HNK za 2023. godinu („Službene novine HNK“, broj: 1/2023), na prijedlog Ureda predsjednika Vlade, Vlada Hercegovačko – neretvanskog kantona je na 198. sjednici, održanoj 4.4.2023. godine, donijela

## **O D L U K U**

### **O USVAJANJU PROGRAMA UTROŠKA SREDSTAVA UTVRĐENIH BUDŽETOM HNK NA POZICIJI UREDA PREDsjedNIKA VLADE „TEKUĆI TRANSFER VJERSKIM ZAJEDNICAMA“**

#### **I**

Usvaja se Program utroška sredstava s kriterijima i postupkom dodjele sredstava za su/finansiranje aktivnosti i projekata vjerskih zajednica, kao i organizacija kojima je osnivač vjerska zajednica, čija osnovna svrha nije sticanje dobiti, koje ispovijedaju vjeru i promiču uvjerenja i vrijednosti koji nisu u suprotnosti s Ustavom i zakonima BiH ili pravnim poretkom države) iz Budžeta HNK, s pozicije Ureda predsjednika Vlade, organizaciona jedinica 12010001, ekonomski kod 614 300 CAN 005 „Tekući transfer vjerskim zajednicama“ (u daljem tekstu: Program).

#### **II**

Cilj Programa je podrška vjerskim zajednicama i organizacijama kojima je osnivač vjerska zajednica – čije aktivnosti i projekti promiču ciljeve i projekte iz oblasti koje su definisane tačkom 5. ovog Programa.

#### **III**

Ured predsjednika Vlade će, nakon usvajanja Budžeta HNK za tekuću godinu i ukoliko na poziciji Ureda predsjednika Vlade „Tekući transfer vjerskim zajednicama“ budu planirana novčana sredstva, uputiti poziv vjerskim zajednicama za podnošenje zahtjeva za su/finansiranje njihovih aktivnosti i projekata.

#### **IV**

Zaprimljeni zahtjevi vjerskih zajednica za dodjelom finansijskih sredstava bit će razmatrani najmanje dva puta u toku kalendarske godine, a o dodjeli novčane podrške korisnicima, na prijedlog Ureda predsjednika Vlade, odlučivat će Vlada HNK. Ukoliko iznos traženih sredstava po zaprimljenim zahtjevima bude veći od planiranih sredstava Ured predsjednika Vlade predložit će Vladi HNK nedostajuća sredstva osigurati s pozicije „Tekuće rezerve“ ili izmjenama i dopunama Budžeta HNK.

#### **V**

Sredstva se dodjeljuju za projekte i aktivnosti koji su u skladu sa ciljevima i politici Hercegovačko-neretvanskog kantona, usmjereni na:

- Izgradnju, obnovu i adaptaciju vjerskih objekata u kojima se prakticira bogoslužje (crkve, džamije, samostani, manastiri);
- Izgradnju, obnovu i adaptaciju drugih objekata u vlasništvu vjerskih zajednica i/ili ustanova kojima su osnivači vjerske zajednice (župne kuće, višenamjenske dvorane, tekije, domovi za brigu o potrebitima, galerije i sl.);

- Izgradnju i obnovu infrastrukturnih sustava na vjerskim objektima i drugim objektima u vlasništvu vjerskih zajednica;
- Izgradnju i održavanje vjerskih groblja;
- projekte, sudjelovanje ili organiziranje manifestacija iz područja vezanih uz vjerska pitanja (practiciranje vjere, istraživačke djelatnosti, podučavanje itd); i njegovanje vjerskih, tradicijskih i kulturnih vrijednosti;
- izdavačku i audio vizualnu djelatnost, kulturno – umjetničku djelatnost;
- područje socijalne zaštite i zdravstva, posebno aktivnosti na podršci populaciji osoba s posebnim potrebama (socijalnim, materijalnim i zdravstvenim), osoba s teškim invaliditetom, njege i zaštite o starijim i nemoćnim osobama – palijativna briga, karitativno djelovanje i sl. i
- organizacija i obilježavanje datuma od značaja za vjerske zajednice.

## VI

Zahtjevi za dodjelu novčanih sredstava podnose se Uredu predsjednika Vlade HNK. U zahtjevu se navode ciljevi i namjene za koje se traže sredstva.

Zahtjev za dodjelu sredstava treba sadržavati sljedeće podatke:

1. naziv, adresa i sjedište podnositelja s odgovornom osobom podnosioca,
2. ID broj i broj transakcijskog/žiro računa i naziv banke kod koje je otvoren,
3. opis projekta i razlog traženja sredstava i
4. iznos sredstava koji se traži.

Ured predsjednika Vlade HNK nema obavezu vraćanja dostavljene dokumentacije podnosiocima zahtjeva.

## VII

Šef Kabineta predsjednika Vlade HNK imenovat će Komisiju za ocjenu i odabir projekata i dodjelu finansijskih sredstava vjerskim zajednicama.

Komisija iz prethodnog stava će obavljati sljedeće poslove:

- Pripremiti obrazac za dodjelu novčanih sredstava;
- Prikupljati zahtjeve za dodjelom sredstava i obrađivati ih, te izvršiti procjenu i bodovanje projekata;
- sačiniti listu osoba s prijedlogom pojedinačnih iznosa novčanih sredstava za dodjelu s obrazloženjem i dostaviti je šefu Kabineta predsjednika Vlade, kao preporuku za donošenje odluke o dodjeli sredstava, kako bi je isti uputio Vladi HNK radi donošenja konačne odluke o dodjeli sredstava;
- Poslati obavijest svim korisnicima o dodjeli finansijske potpore i obavezi dostave izvještaja o namjenskoj potrošnji sredstava;
- Pratiti dostavu izvještaja o potrošnji sredstava za namjenu za koju su i odobrena i
- Šefu Kabineta predsjednika Vlade dostaviti izvještaj o radu i utrošenim sredstvima.

## VIII

Komisija će ocjenjivanje i odabir prijava za finansiranje aktivnosti vršiti u skladu sa obrascem za ocjenjivanje zahtjeva iz tačke 8. Programa, koji čini njihov sastavni dio.

## IX

Obrazac za ocjenjivanje zahtjeva:

<b>OBRAZAC ZA OCJENJIVANJE ZAHTJEVA</b>		
<b>PODNOŠILAC ZAHTJEVA: naziv, sjedište, adresa i kontakt telefon pravne osobe i odgovorna osoba</b>		
<b>ID BROJ:</b>		
<b>BROJ RAČUNA:</b>		
<b>Namjena (program/projekt):</b>		
<b>Traženi iznos sredstava:</b>		
<b>Kriteriji za ocjenjivanje:</b>	<b>Maksimalan broj bodova:</b>	<b>Konačna ocjena;</b>
Provedbom programa i projekta se ispunjavaju ciljevi i prioriteta definisani strateškim i planskim dokumentima? Ostvaruje li program/projektat viši interes i značaj za širu društvenu zajednicu?	5	
Postignuti uspjesi/iskustvo podnosioca prijave u naznačenoj oblasti te stručni kapacitet za provedbu planiranih aktivnosti/projekta/programa?	5	
Podrška institucionalnom i organizacijskom razvitku vjerske zajednice	5	
Prednost u finansiranju (npr. u provedbu uključen rad volontera, zapošljavanje nezaposlenih i ranjivih skupina na provedbi projekta, uključivanje partnera u projektno partnerstvo, projekt predviđa nove inicijative u zajednicama s manje mogućnosti i dr.)	5	
<b>Ukupan zbroj bodova:</b>	<b>20</b>	

Komisija vrednuje zahtjev prema kriterijima s pripadajućim brojem bodova.  
Za svaki od kriterija, Komisija dodjeljuje usuglašen broj bodova u rasponu od 1-5 na sljedeći način:

- 1- Loše
- 2- Zadovoljavajuće
- 3- Dobro
- 4- Vrlo dobro
- 5- Izuzetno

Ukupan broj bodova predstavlja zbroj svih bodova dodijeljenih u obrascu za ocjenjivanje.

### **X**

Podnosilac zahtjeva može aplicirati na ukupan iznos cijene projekta ili dio nedostajućih sredstava.

Projekti/programi, koji budu predloženi za su/finansiranje podržat će se u skladu sa finansijskim mogućnostima Budžeta HNK, odnosno u iznosu do 80.000,00 KM po korisniku i/ili projektu, vodeći računa o zastupljenosti svih vjerskih zajednica na području Hercegovачko – neretvanskog kantona.

### **XI**

Korisnici sredstava kojima budu odobrena sredstva na osnovu odluke Vlade HNK obavezni su ovom Uredu dostaviti izvještaj o namjenskoj potrošnji dodijeljenih sredstava.

### **XII**

Odluka stupa na snagu danom donošenja, a objavit će se u „Službenim novinama Hercegovачko – neretvanskog kantona“.

Bosna i Hercegovina  
Federacija Bosne i Hercegovine  
**HERCEGOVAČKO-NERETVANSKI KANTON**  
**V L A D A**

Broj: 01-1-02- 948 /23  
Mostar, 4.4.2023. godine

